

寧國府志卷二十九

人物志

文苑

宣城縣

**唐劉太冲**

博洽工詩與弟太真齊名天寶中舉乙科顏真卿守平原辟從事畫策拒安祿山尋真卿掌吏部署冲高等歸宣城為文送之謂才不偶命而德無其鄰所著詩俱亡逸惟存寄業師一篇見宛雅 康熙志

**劉太真**

宣州人善屬文師蘭陵蕭穎士舉高第進士淮南陳少游表為書記嘗以少游擬桓文為義士所譽興元初為河東宣尉賑給使累遷刑部侍郎德宗以天下平貞元四年九月詔羣臣宴曲江自為詩較宰相擇文人廣和字泌等請羣臣皆和帝自第之以太真李紆等為上遷禮部掌貢士多取大臣貴近子弟坐貶信州刺史卒 新唐書本傳 康熙志

寧國府志

卷二十九

人物志 文苑

一

**王爰**

工詩歌與李白齊名嘗遊蜀白為劍閣賦贈之因以申戒他日白道深木爰已卒又爰以詩云王公希世寶棄世一何早 乾隆志

**顧蒙**

宛陵人博覽經史慕燕許刀尺亦一時之傑餘力深究內典繇是屢為浮圖碑做歐陽率更筆法酷似前人庚子亂後萍梗江浙間無何有美姬為潤帥周寶奄有蒙不能他去而受其豢養由此名價減薄甲辰淮浙荒亂避地至廣州人不能知困於旅食以至書千字文授於聾俗以換斗符之資未幾遭疾而終蒙頗窮易象著大順圖三卷 據言

按顧蒙舊志無傳唐說部中往往見之據言稱韋莊請追贈不及第人蒙與焉其推重于時名流固非偶然今據摭

言原文補入

**南唐邵拙**

字拙之孤峭不撓博通經史餽酒至百杯不醉水部郎造慶貽之詩云邁古文章金鸞鸞出翠行止玉麒麟嘗上書獻所為文請應制科詔赴闕次舒州卒籍裝得手抄史傳文集三百卷拙初為詩云萬國未得雨孤雲猶在山



時謂窮識有詩百篇曰廬嶽集尚書孫邁序 十國春秋 乾隆志

按舊志邵拙係唐人今從吳任臣十國春秋改屬南唐

荆齋 工屬文江南承唐末文體纖麗之弊士率不能自振

者所以達道德之本發才智之蘊使旨勝於辭理過於文為

不知也聞者善之然居鄉飲博無行不為人士所容乃去入

廬山國學亡賴尤甚晚乃勵風操尚信義一言之出必復而

後已常蓄龍尾硯友人欲之而不言齋亦心許之未及子也

一日友人告而歸齋悔恨徒步數百里追及授硯而還至

後主末始登仕版迨國亡銓授未及遂不復謀仕宋開寶中

薄遊汴京熒若水欲薦於朝齋恥之亟歸隱廬山數年卒

一云歸宋羅進士第以殿中丞致仕隱於廬山 十國春秋本傳

按一統志載荆齋擢太宗時進士第歷茶陵令以殿中丞

致仕隱於廬山嘉定志亦同惟殿中丞作殿中侍御史為

吳耳江南通志康熙乾隆府志並云恥若水之薦謝隱廬

山齋既稱晚勵風操嘉定志并稱其家貧未嘗干謁士流

高之似非希榮失身之士十國春秋於本傳中無此語而

附注於傳尾亦傳疑義也

宋邨旭 字孟陽本農家子弱冠始讀書習為辭章俄隨計金陵

進後主時試厚德載物賦擢第一人國亡歸宋呂蒙正判銓

久習旭各問曰若非能為賦者乎旭曰江南獻賦適為第一

家正曰聞名舊矣謂為古人乃並世耶薦授令錄遷京秩卒

於衡州常纂古名賢遺言為賓朋宴語行世其詞賦得故唐

程度時人取以為法 十國春秋本傳

梅堯臣 字聖俞侍讀學士詞從子也工為詩以深遠古淡為

惟頌留守西京特嗟賞之為忘年交引與酬唱一府盡傾感

陽修與為詩友自以為不及堯臣益刻勵精思苦學錄是知



名於時宋興以詩名家為世所傳如堯臣者蓋少也嘗語人曰凡詩意新語工得前人所未道者斯為善矣必能狀難寫之景如在目前合不盡之意見於言外然後為至也世以為知言歷德典縣令知建德襄城縣監湖州稅會書忠武鎮安判官監丞豐倉大臣屢薦宜在館閣召試賜進士出身為國子監直講累遷尚書都官員外郎預修唐書成未奏而卒錄其子一人寶元嘉祐中仁宗有事郊廟堯臣預祭輒獻歌詩又嘗上書言兵注孫子十三篇撰唐載記二十六卷毛詩小傳二十卷宛陵集四十卷堯臣家貧喜飲酒賢士大夫多從之遊時載酒過門善談笑與物無忤詼嘲譏刺托於詩晚益工有人得西南夷布弓衣其織文少堯臣詩也名重於時如此 宋史本傳

**高元矩** 工詩不仕以子惠連貴贈光祿卿詩有警語贈徐學

言系述全篇無考惠連博學尚氣節登端拱已進士歷工部郎知吉州精堪輿術遷學士歐劉相繼出並登一第為名

臣天禧初徙知揚州卒孫器之知南康軍周紫芝

惠連曾孫瑁也嘗過其墓下賦詩弔之 康熙志

寧國府志

卷二十九

人物志

文苑

三

第家貧併日而炊人嗤之不顧嗜學益苦嘗從姑溪李之儀及呂本中遊有美堂年六十一始以廷對第三同學究出身調安豐軍霍邱稅不赴監戶部黜院歷樞密院編修官右司員外郎知興國軍政崇簡靜終日焚香課詩而事不廢秩滿奉祠居廬山初秦檜愛其詩云秋聲歸草木寒色到衣裘雲京每一篇出輒擊賞不已頗厚遇焉後和御制詩已通灌玉親祠事更有何人敢告猷檜怒其諷已出之紫芝惟言士遇合有時吾豈以彼易此紹興乙亥卒嘗有太倉稊米集竹坡老人詩話楚詞贊說見文獻通考萬姓統譜子槃琴並力學不仕 康熙志

**李宏** 字彥恢建炎中召好問知宣州得士四人詹友端周紫芝王相如及宏每燕集必與俱宏博覽羣書登政和五年進士第歷官轉運使卒後一年天子問淮西漕李宏在否

執政言物故上嗟惜久之宏詩集散逸後有李璠亦能詩辰

光門云夜深燈火明沙路秋令筆歌 同

元貢奎

字仲章父士濬贈廣陵侯力學尚義作義塾以待四方學者奎十歲能屬文長益博綜經史聘為齊山書院山長時方議行郊祀禮奎討定之朝廷多採其說應奉翰林學士修成宗實錄授江西儒學提舉敷明理學諸生皆踈聽不懈



累遷集賢直學士天歷二年奉使還卒諡文靖奎為文閣放  
僑侃其在詞林與天復初袁伯長鄧善之馬伯庸虞伯生輩  
唱和皆一時豪俊聲名之士晚年萃擷諸禮書欲定為一家  
言而未竟所著詩文悉藏秘府有雲林小稿聽雪齋記青山  
漫吟倦遊集豫章稿上元新錄南州紀行凡百二十卷子願  
泰詳名臣傳姪師道字道甫舉茂才累官翰林待制兼國史  
院編修有文名時奉旨修宋遼金三史丞相脫脫總史事欲  
以遼金為正統師道奮筆議曰昔符堅已據中原不忘東晉  
凡以成正統也本朝得上承中國帝王之統而與唐虞三代  
漢唐齊稱以承宋耳則正統在宋不在遼金也議不行師道  
坐此忤時出補嘉興路治中郎  
使者交章薦之尋卒 乾隆志

**張師愚**字仲愚弟師曾皆好學工詩先後領延祐天歷鄉薦  
二張云師愚詩有和施炳仲云桑落山中酒芙蓉江上秋送  
趙伯淵云秦淮倚棹秋聽雨易水驅車曉度霜師曾有挽劉  
待制云視艸催春直藏舟惜夜移懷師氏山林云雨林黃耳  
茵春澗白頭魚頗稱工麗師愚子知言亦以詩名 同上

**明貢欽**字元禮少穎異讀書過目不忘成化庚子領應天鄉試  
第一同榜公謙多列聲效各攜篋筵問索解元題詩欽

寧國府志

卷二十九

人物志 文苑 四

揮灑無難色賦服其敏給甲辰登進士歷官文選郎掌選事  
最久世宗出郊諸官蒲伏欽頓長上疑其立詢之因呼長官  
兒仕順德知府欽詩文才情豪蕩震耀一時著有湖亭集大  
學士李東陽學上程敏政亟稱之有秋水芙蓉之日 宣城  
事函 乾隆志

**貢汝成**字玉甫鏞之子領正德癸酉鄉薦生而慧廢產市古  
尤探極理蘊文密而藻法而瞻嘉靖初預修祀儀成典及獻  
郊廟賦並賜金帛授翰林待詔領校錄經史上復古治策十  
五事凡三萬七千餘言章聖太后後喪兩疏請復三年制不報  
尋卒於官著有二禮纂註四十九卷 宣城事函 乾隆志

**梅守箕**字季豹豪宕善屬文援筆立就詩不為今體湯寶尹  
雅激岸獨推服之日與季豹遊使吾神于又贈詩云  
坐上若無梅季豹也容他輩得猖狂其見重如此年四十五  
卒著有居諸前後集王世貞序之極其傾倒又贈詩云從誇  
荆地人人玉不及梅家樹樹花子元初從子蔣祚台祥  
皆善詩文喜任俠惜早卒 靜志居詩話 乾隆志

**孫攀**字士龍長於記問博覽沉思嘗得周禮古本漏考諸家  
折衷為一書名周禮釋評同時梅鼎祚序行之稱其孝



友端諒非禮勿履所輯著與貢待詔汝成纂註三禮後先相望至今里中稱博洽必首貢孫兩先生

乾隆志

梅鼎祚字禹金父守德官給諫時生鼎祚擢甚憐之欲其棄

召致門下龍溪王畿呼為小友性不喜經生業以古學自任

文詞沉博雅瞻海內皆知其名閣臣申時行等欲以文徵明

故事疏薦辭不赴歸隱書帶圖搆天逸閣藏書坐卧其中著

有鹿裘石室集又編輯歷代文紀漢魏詩乘古樂苑唐樂苑

書紀洞詮青泥蓮花記才鬼記諸書孫朗中字朗三亦工詩

文書畫海內名宿如馮元應周繼陳子龍輩咸亟推之嘗輯

唐以前賦為賦紀五十卷編校垂峻而卒所著有書帶圖集

十六卷又孫超中從孫磊並知名各著有詩稿明詩綜詩

話乾隆志

高維岳

字君翰惠連裔孫弱冠領萬歷癸酉鄉薦善詩賦古

下山山水奇絕處遊必有詩仕雷州推官廉明有惠聲尋攝瓊

州礦徒萬餘人竊發鈞倭人寇維岳伏兵清瀾海口夾攻大

破之轉鞏昌郡丞督餉挑招番人置近甸邊賴以安以抗

直左遷興國知州與國故苦柯譚二賊維岳卑車馳至郡立

寧國府志

卷二十九

人物志 文苑 五

摘盜魁盜悉平當事忌其功遂投劾歸維岳文學政事並長

歸因日家無餘財所居不蔽風雨翰林焦竑每嘆曰君翰誦

詩達政有元道州之風著有遠齋堂草翠雲亭集

保泚八議等書廣東通志名宦傳乾隆志

湯賓尹字嘉賓萬曆甲午舉於鄉乙未冠南宮廷對第二授

宗每加獎賞尋晉中允署司業諭德庶子遷南京祭酒雍中

考課分關所得皆當世名士好獎借人材士子質疑問難殆

無虛日詞林舊例每優游文史需次公卿賓尹獨慷慨負氣

縱談天下安危大計由是與人不合又以關中爭韓敬舉首

業名天下至今無不稱湯宣城云所著有睡庵詩文集其餘

議防邊備倭諸策詳

吳伯與字福生好讀書每夜倚棊長擁衾假寐覺復讀以是得

疾年五十八始連登甲乙榜授戶部主事歷員外郎

中出為浙江布政使司參議遷廣東按察使司副使為諸生

時高自負以晚達得肆力典籍博極羣書工古文詞董思白

題其素雲齋集云體齊梁之綺靡兼燕趙之悲壯所輯有宰

相守令合宙名臣奏疏事函文函等書行世明詩綜傳



宛雅

乾隆志

沈有則

字士範懋學伯子少警穎淹通經籍嫻六藝下至駢賦楷隸靡不工著九邊策要諸篇數十萬言悉經世

巨務

沈氏累代簪纓以理學世其家有則所著皆有本之學萬歷庚戌成進士官行人即疏請建儲詞甚切至壬子奉命

使楚兼奉母南歸

次東平州值母疾作不起有則日夜泣不絕聲繼卒於道時年五十有二有則生平性孝友敦睦好施

著有紫烟閣文集

乾隆志

劉仲達

字九達太學生著鴻書一百八卷凡二十有四類顧起元序之曰總百代之秘文搜二酉之佚典採玉於

山非懸黎無以結佩

瓊珠於海非明月無以入懷蓋一時類集未有或之先者同上

鍾震陽

字百里少孤貧寄食舅氏鄭世德性癖古學不屑屑經生家言年及艾猶困童子試積歲館穀盡購書籍

寢食其中不稍倦

崇正庚午領鄉薦辛未登進士是科程策半經其手裁一時古學聲噪京師知山陰縣築塘捍海民便

之祠於海瑞部民碑為著

有偶居集行世子無暇詳宦業同上

寧國府志

卷二十九

人物志

文苑

六

汪念顯

字仲恭邑庠生文節八世孫也博通經史百家言試輒冠軍郡邑長如陳彥吾姜孟頴鄉先達股登瀛磨

沂徐元太皆雅相器重

念顯亦遠大自期杜門稽古終其身未嘗一至吏廷有古高士遺風焉著有語神編世道忠言二

刻同

劉振

字自我少高尚博學慷慨善持論嘗縱遊燕趙齊梁間中原多故范景文巡撫河南振以布衣上書談時事多

中甚見優禮

由是知名尋返金陵鍵戶撰著輯古今治亂得失作廟算采兵家言作緯書又以明三百年實錄藏館閣者

旁稽野乘裁以己意

做史記述為本紀志表列傳自洪武迄萬歷名曰識大錄計百餘卷范景文為南兵部尚書每有大

事多就諮訪及內召聘

修北工部志書成會闕賊陷京師未上景文殉國書散逸乙酉疽發背死振平生熟於掌故所著

述甚富詞章其餘事云

于易字望之古義自好博極羣書後徙居河南著有章甫集二十卷擬騷數卷同上

俞綬

字去文壯謝諸生業篤志古學博覽遐搜居宣之西陽樓為詩古文詞不加點長於叙事得史漢法求者踵接意到

則置几園中花竹下徐步

微吟茗飲數杯立書十餘紙著有



國朝梅巨儒

字汝開早棄舉子業盡讀藏書乃上遯義軒下迄近

慎討舉要訂為為史鑑大事錄一書又著左傳發明訂正諸家詩古文辭百餘卷下惟精思則累砢確築戶通食於膈輒經時月每歲除家人陳設畢乃出事孀母誠孝鄰人有鬻妻贖罪者得巨儒傾囊獲免于銷見名臣傳 同上

唐允甲

字祖命幼時湯賓尹器之留讀園中年十三文譽馳

閣臣高宏圖首薦允甲為舍人一時辭命多出其手會權臣披剝善類允甲遂遜跡溪山息意仕進以詩酒自娛老年書法名海內箋楚盈几酒酣落筆獲者如拱壁所著詩文數十餘卷周亮工沈壽民施閏章輩序之傾倒備至 宛雅 乾

隆志

戚懋

字樾含性凋黨留心經濟崇正間游都下適司禮監王

詩文盈篋例三載復命當授通判職懋慨然曰因人受爵志士不屑也棄歸應童子試入泮尋入浙幕順治初浙閩內附

寧國府志

卷二十九

人物志

文苑

七

懋以諸生授龍泉教諭暮年告歸隱於水陽西許足跡不入城市日與唐允甲袁友韓李俠輩飲酒賦詩老而詩益工人

以南文集 乾隆志 街

梅士玟

字象先太學生最淹洽自汲冢魯壁周鼓秦碑以逮

平不與人較時時寄咏以自寓伯仲早世撫諸孤煦煦若慈母尋以兄子事究繫圖屏五年盡鬻產以紓難無幾微忍對晚為潛山縣丞著孤山八集行世子觀字清老好吟耽遊藝履所及輒一時名流贈答悉自寫性靈不一語借人牙慧所

著有風聲集容吟吟餘吟共二十卷 乾隆志

孫竹

字樞君長於詩騷刻奇創類李長吉出遊公卿間爭為

嘯集行世從行交芬字崑孫邑諸生博極羣書詩文援筆立就隸體尤工 同上

吳錢

字若余郡庠生孝廉伯敷子也數有行誼淹經史以父

兼師錢少英爽與沈壽民齊名吳中錢禧亟引重之貽書於人必稱吳沈無軒輊也詩尤清拔衝口而不可見斧鑿痕普浮筠軒集弟炳字季野邑諸生甲申後謝舉子業壹意



古文力追周秦兩漢以上窈渺詭禱變滅神奇使人不見端倪而折衷一軌於正列有夢華子集四卷從子謀公字聰若丁卯鄉試第二性簡名淡聲利外似詼諧而守實介不喜講學浮名嘗曰高談性命不如卑論人情廣結知交不如近恤鄉里聞者服之

**張延世** 字子尉七歲能吟咏篤嗜詩古文詞長益肆力羣籍所學日富而行誼甚高幼失恃孝事其父父歿哀毀

幾不勝喪與異母弟同居數十年無間言姊少寡孤甫四歲值兵亂延世挈以遠避獲保無恙連試於鄉不得志徜徉自適所撰著不下數十種以明經授宿松訓導年已老猶日夕講論不輟問奇者趾相接歸年八十四卒族有一齋者亦好

學能文以諸生終五經俱有註解並散佚惟存春秋留傳十餘卷 同上

**孫于王** 字羽辰前明邑庠生能文善詩歌書法出入鍾王遠邇重之絕意進取襟情空曠酷嗜奇山水留連時事

托詩見志其風號雨溢海嘯山奔之致磊落動人著有萍菴集吳肅公推服焉 同上

**唐益** 字朕虞博通古籍學使李來素亟稱之中順治丁酉庚子康熙癸卯三科副榜以體羸不耐塲屋終老明經生

寧國府志

卷二十九

人物志 文苑 八

平尤喜為有韻言著自怡集行世從兄允甲題詞云博瞻四庫諸鑄三唐光散朝霞巧分天錦擬古為侍於今罕儼矣同時廩生陳武揚亦以文學稱 宛雅 乾隆志

**梅清** 字淵公英偉豁達以博雅負盛名順治甲午舉於鄉遊遊燕齊吳越間名公鉅卿無不推轂新城王士正云淵

公以詩名江左畫山水入妙品松入神品更數十年斷絕零素定不減蘇黃也又著瞿山詩畧稼園艸天延閣前後集行

世子鍾齡郡廩生皆古能文稱其家風從弟詰亦長於詩咏物最工 居易錄 乾隆志

**高詠** 字阮懷州守維岳孫幼有神童之目其學無所不窺書畫詩世稱三絕與同里施侍讀聞章高唱東南孰耳詞

壇者三十餘年海內翕然宗之為宣城體康熙己未以博學宏詞授翰林院檢討充明史纂修官所撰史稿皆詳慎不苟

積勞成疾請假歸里逾年卒著有蕭江遊艸遺山詩集及若巖堂全集五十卷 江南通志 乾隆志

**茹薦馨** 字楚嗣少英敏力學為文不屬艸頃刻數千言立就入北雍長洲相國采德宜為祭酒奇其文以國士目

之康熙己未成進士一甲第二名授翰林院編修時命詞臣纂修五代史及易經講義薦馨分輯不解俄而疾作得請卒



京邸薦譽生平誠信廉潔宦遊十數載所居帷幕不周炊烟  
間絕晏如也賴閣部諸公經理喪歸著有畫溪草堂稿子振  
旂乙酉舉人江南通志 乾隆志

**孫卓** 字子立給事襄次子淹通經史才藻瀾發康熙己未成  
進士一甲第二名授翰林院編修癸亥奉使册封安南  
行至粵西全州暴病卒年三十六卓內行醇備奉母兄以至  
性敦夙誼崇氣節著有甓社齋稿 江南通志 乾隆志

**沈泌** 字方鄴父壽堯殉國詳忠節泌幼孤力學博聞強記才  
疏古事娓娓不倦檢所出不譌一字性落拓跌宕文酒不事  
生座每縱談天下事掀髯扼腕旁若無人康熙己未當事將  
以博學宏詞薦會有一忘其負才使氣者沮之遂以諸生終所  
著詩文詞賦甚夥歿後稿被竊去同時有濮陽錦梅直馬文  
開皆隱居著述以博雅

稱 宛雅 乾隆志

**梅庚** 字耦長朗中子三歲孤家故音母劉撫以成立姿稟穎  
異好讀書尤長於詩間繪山水亦曠逸有致客遊京師  
一時名公巨卿折節倒屣辛酉領鄉薦累因公車新城王士  
正雅重之及主禮闈復被黜士正為詩自責有如何古戰場

寧國府志

卷二十九

人物志 文苑 九

亦復失李華之句旋授秦順令以經術佐吏治請罷海船歲  
修民尤便之嘗作修船諸人比之元春陵未幾引年著有漫  
與集聽山詩鈔子琢成見孝友傳琢成邑岸生詩  
文有名纂修雲南通志人服其精核云 乾隆志

**袁啟旭** 字士旦國學生工詩而好遊自題其草曰江湖一客  
都下宋寶穎序其中江詩鈔云以秦風之悲壯而兼楚騷之  
哀怨真東南第一才子也前輩惟梅村先生可以方駕近則  
其年得其豐腴漢槎有其英概其推服如此從弟又安亦有詩名 宛雅 乾隆志

**梅以俊** 字子彥邑廩生博通經史工詩古文詞嘗錄遺江陰  
以古學七藝推冠十八府州聲藉藉吳越間性曠達  
嗜飲遺落世事芥視青紫晚數遊金陵與諸名士結吟社時  
飲酒家題詩壁上好事者隨所在錄之去傳誦都邑年五十

四疾革連沃數就一笑而逝著有承露集及茗語行世子珩  
成生十月而孤事孀母嗣母並以孝聞長補諸生博綜經史  
為詩古文皆自出機行刊落凡近所著有石塘詩文遺集  
生平積學植品嚴於裸子子理成進士官銓部 乾隆志

**劉錫麟** 字天石歲貢生博洽工詩文多識古文奇字嘗構鐵  
舟亭書屋貯圖史其中討論不倦愛飲佳茗坐化對



月自適也大小楷得鍾王法道勁温潤藝林寶之年八十餘卒方春錫麟族人邑廩生家貧苦吟著有負荷吟卷并詩艸上同

**徐纂** 字烈襄邑廩生學務博覽詩古文有言於時後不戒於火士林惜之族人肇伊字程叔亦名諸生嘗預修

江南通志及郡邑志所援据同事服其精審徵士  
梅文鼎始邑中博雅士承稱二徐云 宣城志

**劉朝瑞** 字季騰郡廩生少刻意攻苦父母沒盡營其貨產以供贖葬舌耕自給於學無所不通尤工舉子業操弧

立就如風水相遭烟雲變滅非思慮所及每試輒冠軍遊其門者皆一時之雋餽諸生二十餘年賁志以歿 乾隆志

**梅允開** 字仲伯邑諸生家貧併日而炊甫壯悼亡不更娶兀坐小樓於經史百家靡不淹貫詩賦清麗越俗衣冠

古樸飲興甚豪知者延至家進以酒索詩允開左洗杯右拈筆頃刻千言人袖之去亦了不自記憶也晚年負米顛之癖

累怪石數百終日撫玩不置著作甚富存者僅若干卷藏於家 同上

**梅文鼎** 字爾素邑諸生徵君文鼎弟也才思瞻逸為文不加點竄操筆立就自然豐美詩學韋孟冲夷古淡不為

寧國府志

卷二十九

人物志 文苑

十

時近語尤邃於天文星數之學與兄文鼎並為安溪李相國光地所重著有中西星經同異考星圖慎菴筆算等書 同上

**劉文友** 字承哉郡廩生方正自持言笑不苟公卿爭延致為子弟師刻有冰崖詩文集行於世子佩珩寧海知縣

見孝行傳 同上

**湯陟** 字節書邑廩生能文工詩善書法尤精篆隸識者謂其突過鄒谷口邑老宿如姜實節沈泌梅庚袁啟旭皆推

許無異詞賈志以歿人為惋惜 同上

**沈廷謨** 字又臯邑諸生前進士琦孫也性嚴謹好讀書務求實際不事浮飾一時從遊者皆循循有法度著有學

純辨淑文集題賢錄數十卷藏於家 同上

**湯偉** 字駿公幼奇敏喜讀古書家貧力農農不勝仍出授徒嘗曰文何必法詩何必律吾以達吾意焉耳年四十始

應試入邑庠康熙庚午舉於鄉一試禮部不第遂遍馳名山大川出口外雜部落騎射為樂凡十八載始歸當是時年已



七十授江寧教諭笑曰老教書是吾本事進諸生多所開發暇則鋤草藝園蔬自給一富商與諸生訟學使者不直諸生偉堅持不沉學使怒曰教官如此強項偉曰惟教官當如此強項耳任滿遷國子監典籍以老告歸年九十三卒於家著有性辨一說及易準注離騷經貫等書從弟廷鐘字大宗拔貢生偉所著多取定焉宣城志

王佐字徽亭郡庠生幼穎異涉日成誦為文不拘尺幅落筆如飛甫弱冠學使者許公汝霖以古學試多士首沈泌

佐次之一時名藉甚復以古學為學使張公廷樞首拔張每按所部輒稱佐為江左才士無雙著石汀集凡十卷木刻佐族祖兆嵩亦有

文名乾隆志

王可第字次雲邑廩生學使楊中訥愛其文有秋亦芙蓉之

之詞而已著桐引樓集行世同上

張宿字緯一邑庠生有孝行嗜古蠅著連有句溪詩集藏於家同上

施琛字質存歲貢生侍讀閔章孫愿謹有文警詩能承家學著剽園集同上

寧國府志

卷二十九

人物志 文苑 十一

程元愈字借柳木歙人籍宣邑廩生性孝友為文本六經秀水朱彝尊新城王士正坐榭之所著有儷體文鈔昭

明詩選輯注子隆家仍歸歙成進士卒江南通志乾隆志

梅兆頤字叔伊郡庠生性孝友以詩古文詞見稱於時書法圖象俱能入古後保薦博學宏詞著有春秋紀事始

木花谿詩文等集乾隆志

施念曾字得仍性孝友嗜學工詩賦篆隸雍正己酉拔貢授廣東與寧令建學課士文教克興巡撫楊永斌稱其

淹雅保薦博學宏詞論期不及試回任調新會以母老改移浙江歷餘姚德清陞河南禹州未任卒著有藥齋詩文遺稿

藏於家同上

楊廷柱字礎珍研窮經史為文根極理要訓後進多所成就雖近寒濤著講論不輟年八十餘終日無惰容由邑

廩生領雍正乙卯鄉薦淡於仕進以國子典簿銜終所作詩文為生徒傳鈔散佚未梓弟廷棟官編修廷楷廷標先後登

賢書廷機邑文學同懷五人人才名並噪時比諸寶氏五桂云



李希稷

字貽率縣學生少孤家貧苦自刻勵積學為文華瞻

未與試而卒

手蒙散佚今所存者惟江南通志節事詩

百二十韻及抗

大宗詞科掌錄載其貞靖王先生頌一篇

吳璟侯

號倚軒乾隆乙丑進士授永寧縣令為同官者齟齬

不欲索解於人者殆

穢香玉溪生云今遺小草偶存二卷餘俱散失

家

袁毅芳

字實堂乾隆壬申鄉薦司訓震澤自少時好為古文

著有秋草文

章孺覺

字味游邑廩生幼嗜讀書至老不倦補諸生隨父斯

延接有優禮手書學者堂額贈之嘗以九州疆域考見賞於

寧國府志

卷二十九

人物志 文苑

十二

實冊

沈聚奎

字星五號西垣乾隆辛酉拔貢生庚辰恩科魁南

不隨手註多所發明制藝古文亦本唐宋大家名噪大江

南北若數十年開公泰視學江蘇延校試卷辭勿就乃以所

屬交郵令改定梓行門下士如涇邑翟進士大成朱孝廉

宣邑孫進士源潮皆後先服政有循良聲聚奎平日心契

洛關閩之旨雖布衣疏食終年淡泊晏如焉性至孝早失怙

恃嘗以不克奉養為恨每逢忌日及春秋祭祀輒盡誠備物

獨力營葬祖塋置祀田數百金不少惜四弟少亡以次子庠

生鳴繼其後五弟瑞無子為捐錢買妾次妹適張一克少寡

而貧矢志撫孤聚奎時周恤之乾隆四十年都邑舉鄉飲大

賓行禮之日觀者數千人無間言而聚奎深自歛抑其生平

宗實黜守不

要名譽如此

梅履 字至龍邑庠生孤貧力學幼年殫究諸史有言及資治

通鑑綱目者輒能誦娓娓不訛一字著三傳本義二十四

義別觀三卷又大極圖說詳解二卷洪範皇極內篇本義六



卷俱自寫蠅頭細楷終日兀坐一室雖炊煙不繼而口吟手披不輟郡守宋公敦纂修郡志凡星野田賦祥異諸志悉馥

稿主

**梅理**

字元燮號生谷生而穎異未弱冠食餼學使姚公三辰極加獎賞乾隆丙辰鄉試領解南闈壬戌會試薦元不售由明通榜授桃源學教諭任九年主修桃源縣志又刻有勸士眾諸生有貧不能就傳者招至署中口為講授壬申成進士授吏部考功司丁丑會試充同考官四月轉文選司卒於京邸

**汪昌國**

字瑞珍號泊齋乾隆壬戌進士授河南新鄭知縣繼及登賢書主考邵公思蓼以大魁期之薦於何公國宗使投弟子業每日擬構今古文數十篇示門徒他如館閣課擬諸作皆沈昌國屬稿日必數題必數首濡染淋漓人無與角

**劉聘書**

字莘元號濱西歲貢生揚州府興化縣訓導聰穎異在敬亭十子中尤推翹楚凡名公卿駢節江上官游寧郡無不折節延譽通政司雷公鉉視學江蘇耳其名延至幕府委

寧國府志

卷二十九

人物志 文苑 三

以甄別生平著作極富自經史傳記以至詩古文詞不下數十種貧不能梓散佚幾盡僅存四書文獻徵春秋明藻二種

南陵縣

**唐張喬**

有詩名武通中興許棠鄭谷張蠡李栖遠諸人稱十哲少與許棠同受知薛尚書能李達州頗為京兆參軍主解試月中桂詩喬擅場棠久困場屋類喬之首薦棠是年棠獲雋而喬罷喬性恬淡值黃巢亂隱九華山久與杜荀鶴善詩篇亦流亞也今存二卷載全唐詩內宋志作一卷據言嘉靖志乾隆志

按唐詩人爵里考載喬池州人池州府志亦載入攷唐書

地里志武德四年以宣州之南陵隸池州貞觀元年州廢

縣還隸宣州永泰元年析宣州之秋浦青陽饒州之至德

置池州則喬之誤稱池州者實以武德時之南陵隸池州

遂致展轉傳誤耳喬集中有送許棠及第歸云青門許攀



送故里接雲林送友人歸宣州云失計復離愁君歸我獨  
遊送友人歸宜春云故里南陵曲秋期更送君唐詩統籤  
以南陵為南陵之誤而定喬為池州人可謂以不狂為狂  
李洞送喬下第歸宣州詩云無成來往過折盡謝亭松則  
喬之為宣州南陵人無疑也又舊志沿高棟唐詩品彙之  
誤載喬大順進士全唐詩傳載喬咸通進士按唐登科記  
無喬姓名九華錄及池州府志亦稱其未嘗登第尚書薛  
能以詩唁喬曰何事盡參差惜哉吾子詩據言備載之則  
謂喬登第者誤也至舊志選舉表有列喬開元劉昱榜者  
尤誤之誤也

寧國府志

卷二十九

人物志 文苑

三

劉鑄 字尚鼎其先蜀郡人以父宦家南陵舉至治辛酉進士  
歷安慶路推官知南豐州多惠政能詩題高尙書畫詩  
憶昔東走吳越間杖藜所過皆名山扁舟無端忽西上巫峽  
照眼青螺盤五年塵埃臥環堵慨想昔遊良自許偶然圖畫  
見淨禪似與故人成晤語平生愛山仍愛畫畫裏看山天所  
借此身與畫兩相忘孰與莊周蝴蝶化格律極著勁卒祀鄉  
賢 乾隆志

明 劉永麟

號象衡少聰穎詩賦多驚人語萬曆乙卯舉於鄉出  
范景文門同考慶得人考職授通判以母憂不仕平

生氣節自尚辛年  
六十四 同上

詐以忠

字君信性孝嘗嚮臂療父病由儒士歷任戶部主事  
肆志古學以翰墨駢儷文為世所稱其名在屠赤水

王百穀諸人間所選故事四六書北方學者爭相  
誦習著有愛日齋詩集何喬遠序之以行 同上

秦邦修

字道源邑諸生父湛教尙詩書振興子弟修稍長即  
遺贊名師遂雄視藝苑宏詞亮節為時所推重尤留

心經世學邑中利病令每就諮訪焉本邑糧稅舊有二十四  
等那移隱漏獎寶百出修草疏使民人俞用美等詣闕奏之



丈景釐正邑賦得均  
厥績尤偉 同上

王宏道 字子能由選貢授平涼司理改任樂平蒞官清介致仕歸民頌之曰歸囊此處無他物准帶昭山一點青

家居布蔬不充足不履城市前後郡邑大夫知其賢時造問焉平生研精性學尤長於詩所著詩集藏於家年九十四從

容冠帶而逝 同上

國朝盛於斯 字此公少負異稟詩古文詞倚席立就嘗往來金陵

意者歸而目青家益貧不自聊賴侘俚憤鬱遂一寄於詩詩成輒歌歌已繼以泣所作輒為人持去亦不復記憶也初大

梁周亮工未遇時與友善於斯曰子非長貧賤者異日擁節

問於斯則死矣設位哭之甚哀自自門買石手書舟載至奎

潭小桃源以表其慕瞻卹其母微遺稿為立傳云 同上

許允成 字展也幼穎異不羣為文雄肆瀾翰傾治戊子鄉

寧國府志 卷二十九 人物志 文苑 十四

允成至尤加意振興尋卒於官嘗言孝莫先於友親

心所注也弟三人友愛備至著有龍巖集 同上

何一化 字生伯博學善文走筆千言尤工詩侍讀施閩章亟

稱之謂清直間遠得風人之體以明經試都下諸臣

公盛相推引尋策蹇歸時邑中名彥連袂席角藝論詩無

虛日四方士道陵邑者無不過從結歡而去著有瑟齋詩集

童升秀 字書升少力學於書無所不讀尤熟於史鈞元提要

與廢之故數十年來瞭如指掌所著有借國 同上

要覽拾史唾餘共若干卷藏於家 同上

王震 字雨辰歲貢生性高曠視世一切蔑如也篤學研窮經

史善詩文書畫風韻灑然文多佚傳者雷斧刺書小輞

川輯詩藝林 稱之 同上

梁于瀨 字冲一弱冠食餼有聲與人交肺腑洞然以道義相

魏宗法尤在少陵授沈燕山或代為援例入成均大司成奇

其才每得所作輒遍示六館生以疾卒於京生平著述殆盡

弟于治隨在搜輯 同上

僅有存者 同上



汪越字師退篤志於學穿穴經史漁畝百氏評選古今文鈞

進咸師效之乙酉舉於鄉垂老惟資舌耕郡邑當事折節加

禮而茹苦自甘不妄干謁父性嚴毅曲得歡心伯兄早世撫

遺孤備至又捐資倡行社倉法於里中請官給印簿而自為

勾稽其出入著有綠影草堂集毛詩集略讀史記年表諸書

劉握字天乙幼而育以耳受書輒不妄著作甚夥算學三法

實册書指點直捷大興朱文正公撫院時序行之據事

增實册陶敬信字涵一性穎悟學務實踐著述甚富學使鄭江以忠

信端謹留心經學保薦引

見所著周禮正義進呈御覽褒諭明晰平妥賜段二正令在三禮館纂修上行走載入學政

全書為諸生鼓勵書成議叙司鐸懷遠卒於官同上

涇縣

寧國府志

卷二十九

人物志

文苑

五

唐許棠

字文化咸通中有詩名與張喬鄭谷等稱十哲賦洞庭

庭累舉進士不第薛能贈詩曰君似貧無計因何事有成咸

通二十年高湜却舉時士多請托權貴湜抵帽於地曰吾必

以至公取之得隨分也乃取蕭夷中及棠時號得人初調涇

縣尉鄭谷送之詩曰白頭新作尉縣在故山中又嘗為江寧

丞咸通末馬戴佐大同軍棠往謁之一見如舊相識留連數

月但詩酒而已未嘗問所欲一旦大會賓客命使者以棠家

書授之棠驚莫知其來啟緘知戴已潛遣介郵其家其見重

如此幸存詩一卷唐宋藝文志及馬端臨文獻通考同中興

館閣書目云舊題文化集據

按唐張喬集中有題上元許棠所任王昌齡廳詩新修涇

志以為上元丞江寧丞未知孰是考新唐書地理志武德

三年以江寧溧水二縣置揚州更江寧曰歸化八年更歸

化曰金陵九年州廢更名金陵曰白下穎潤州貞觀九年



更白下曰江寧至德二載以潤州之江寧置昇州上元二年廢光啓三年復以上元句容溧水溧陽四縣置所謂上元者卽原隸潤州之江寧其更名在肅宗上元二年然則江寧上元在當時非有二縣其或稱江寧或稱上元者亦猶涇邑之稱今名則爲涇稱舊名則爲南陽安吳耳非有誤也

**汪遵** 幼爲吏許棠應二十餘舉遵猶在胥徒善絕句詩而溧自晦密一旦辭役就貢曾棠送客灞澗間遇遵訊曰汪都何以至此遵曰就貢棠怒曰小吏無禮而與棠同覲席棠甚悔之咸通七年成進士後五年棠始及第著有咏史詩

乾隆志

**宋詹步**

字叔東其先世友有友端皆有詩名直登政和進士居涇竹村里端領政和鄉薦徙宣城步益直裔也少好學

寧國府志

卷二十九

人物志 文苑

六

善詩文典雅風騷惜多遺逸晚以待棄得官 乾隆志

**元凌希惠**

字季和宋丁部侍郎策上一世孫號水西道人寓宣城與諸名士爲吟社賦古鏡云漢皇蛇劍穿戶飛伯

馬神鼎淪泗汪鯨翻鰲轉總陵谷此鑑零落何足疑雲松樓云丹崖雲竇相掩映一枝北走如翔龍白雲輪兩出深谷蒼然倚壁來清風時稱許之同時有倪水西仕本路教授亦工詩與希惠齊名 宛陵羣英集 康熙志 乾隆志

**郭雷煥**

字有章饒州路教授能詩尤工駢麗文時號爲郭四六送趙孟頫應召詩云南邦諸老歌麟趾北闕千宮

看鳳儀又有題施氏芳遠亭詩傳於時他多散逸 宛陵羣英集 康熙志 乾隆志 嘉靖縣志

按康熙志載雷煥入南陵文苑誤

**明鄭桂芳**

字特舉洪武中以薦爲錢塘令辭去有詩數百首號樂清集徐大章謂其有太白胸次 乾隆志

**鄭澗**

字吉士改禮科給事進戶科都給事以忤旨歸工詩不

有玩易軒集 同上



左鑑 字應衡 幼穎異 日記數千言 嘉靖辛卯壬辰魁兩榜 授

同修宋史并校正五經四書性理諸書會明堂大享景雲見

為賦以上世宗人嘉賞未幾卒僅年三十二著有風光軒友

竹亭稿溫陵陽佩訓序曰擬古諸篇晉魏典型近體大應名

家未易軒輕制詞蔚乎一代文章矣其宜人唐氏刊行於世

東井文集序 康熙志

王廷幹 字維楨 七歲能文 讀書日以寸計 年十六舉嘉靖辛

卯鄉試 第五明年成進士 是科未冠者 蔡汝楠 桑維

喬與廷幹三人而狀元林大欽亦弱冠未婚 並奉詔歸 娶

人榮之 授行人 應遷九江知府 乞休歸 鍵戶著述 凡邑中碑

假記銘悉出其手 年六十二卒 有集十卷 吉水劉世亨叙曰

本乎道以行乎文 聞之者可以開聾 瞶用之者可以通道理

真有裨益 世教 追踪作者 了文 權字 形中 復以 萬應 壬

辰成進士 官刑部主事 亦能詩 歲居集序 乾隆志

張應泰 字大來 六歲善占對 日誦千餘言 甫醫中丞 林潤 試

疏各一首 讀應泰卷 驚日異 才呼為小友 郡守陳俊禮 延宿

儒沈懋學 梅鼎祚 及應泰 修郡志 萬應 壬午舉於鄉 聞武林

亡友許中丞 耗挈舟往 哭因遍歷 吳越 探諸名勝 有遊越篇

壬辰成進士 授太和中 游知泉 州府 為司計 所中 倅大名 職

治水河 丁成 上賜金帛 量移河 間丞 轉戶部 員外 陞吉安 守

未蒞任 卒 任宦 二十年 清貧 持甚 所著 稅筭 白門 草史 疑

孤竹遺 抄 晚香 亭稿 前後 遺書 若干 卷 廷一 卿序 曰 聲高 鴻

寧國府志

卷二十九

人物志

文苑

七

張一卿 字次公 七歲能文 淹貫 經史 連中 副榜 人南 監祭 酒

有五經 講義 春秋 三傳 節義 續史 疑四 六 翰合 古今 表箋 陳

繼儒 見之 曰 我當 北 面 帥 事 年 七 十 四 無 政 卒 乾 隆 志

胡世及 字伯承 博覽 羣書 明末 復社 諸人 前爭 聲氣 世及 淡

非其人 百金 不肯 一書 由舉 人就 國子 監丞 鼎革 後 棲身 山

阿不 談時事 正 八十 無疾 逝 著 有 樂餘 娛 觀堂 清航 居 諸詩

國朝 萬應隆 字道吉 少負 雋才 故明 崇正 開補 諸生 與宣城 沈壽

民 費池 吳應 其等 偕南 社與 壽民 交尤 篤張 溥等 倡



復社於吳門借同邑諸才士往會於虎邱激揚聲氣為朝貴所忌由選貢中崇正已卯舉人嗣馬阮頊陷上鎮或死或遁或以身殉國應隆幸得免鼎革後嘗一應會試歸築玉屏園為文頃刻立就出入經史貫串百家而長言罕警要歸於正者有三峯文集弟麟亦工詩有松虬集 乾隆府縣志

**趙崇禮** 字裕叔天姿穎異七歲即工書縣令曹谷使募朱子長益工入二王之室善畫蘭詩尤清雅為人渾穆冲淡不治生產而篤厚親黨遂致貧不自支有致幣求書者反餽而仍應之無倦 乾隆志

**葉合樹** 原名耆字伊氏所著有桓城詩稿焦雨亭稿梅雪園雜著六六麟史編亦偶然等集 同上

**左士望** 字稚美博雅工詩文忠厚退讓好善不倦鼎革後不分校多人而秉筆者 應試惟事著述郡邑長或延為子弟師時修邑志雖實士望也 同上

**翟士鰲** 字永維歲貢主書過目成誦不屑為制舉義而試輒冠軍其闢釋道二辨直追踪原道本論所著有鑿餘

寧國府志

卷二十九

人物志 文苑

天集 同上

**翟賜履** 字非熊邑諸生散金收書經史外凡可經世者無不博覽詳究尤便弓馬嫻伎擊自命有文武才交遊海

內名流遇有文無行者即面斥絕卒以助葬周急 家業盡廢所著清閣詩選魯之貞為序 同上

**章芝** 字非靈篤志好學尤精易理所著有易學管窺爻象演義諸書識鮮超卓子台雍正甲辰進士 同上

**葉沃若** 字千里少英敏博通經史為文力懲艱險一軌於正與族姪居仁並擅文名以舉人分校王子楚閣所拔

萬年茂等皆知名士晚精推步之學自製量天尺以測星辰躔次靡不合乾隆辛未會試中式榜發已卒於京邸人皆惜

之所評經史及所著壺中肅詩文諸稿藏於家 同上

**鄭相如** 字漢林生而穎異八歲即通諸經後益博貫經史融徹性道好著書工詩古文康熙庚子副榜會 詔

舉博學鴻詞江省督撫以名薦數奇不遇嘗獨力成本縣志四十五卷所著有四子圖書學貫四靈通考涇川文載詩古

文集數 百卷



胡承福 字簡五 力學不輟 時方競習帖括 願獨講求經史 已  
卷又成四書撮二卷 中載朱陸異同 辯發明儒釋宗旨 尤為  
精闢 其詩古文亦過人中 雍正癸卯副榜 垂二十年始以毛  
詩魁 鄉薦

陳桂齡 字枝一 家貧力學 設教水西書院 四方從遊 甚眾所  
著四書述陸輯言一書 雖云述陸 多出已見 其精粹  
實不在平湖下官建德縣教諭  
勤於督課 仿胡安定遺法行之

趙昌國 字補平 幼穎慧 甫冠 補弟子員 試輒高等 乾隆辛酉  
舉於鄉會試三薦未售 人咸惜之 著有雲圃文稿 放  
山居文集 蕉葉軒詩集 李  
尚書級叙之 目以大家

陳麟書 字皆庵 乾隆庚午 經魁 司鐸 秦興 方正 謹嚴 言笑不  
苟 借書必手鈔 至老不輟 所著有四書困知錄 三十  
卷

趙良震 字修遠 乾隆庚午 舉人 少好學 父御史 青藜 宦遊未  
歸 震率其弟霖 濡鬻為及子 瑾 讀書南郊石佛寺 杜

寧國府志

卷二十九

人物志 文苑 九

門不出 慎交遊 寡言笑 或羣居 劇談聞履 聲輒畏而避之所  
著有耕氓集 霖丁卯舉人 學行亞於兄 而溫厚過之 著有竹  
巖詩草 壽有聲 庠序 尤言古今  
體詩能書工畫 著有台巖詩草

胡承譜 字韻仲 少穎悟 讀書日數行 下弱冠 舉於鄉 授廬江  
縣 著有春秋五則 隻塵  
談元峯詩妙四卷 行世

翟大程 字雲九 乾隆庚辰 進士 由中書 改廣東 知縣 雖鷹民  
耐手不釋 卷有羅浮記 遊詩一卷 早年悟退 鍵戶著  
書 有抱瓮齋詩文集  
桃花潭文徵行世

胡元輝 字乾九 性高邁 天稟絕人 自經史外 諸子百家 無所  
不窺 詩古文詞 空所依傍 所輯子貫一書 自老聃張  
周以迄 衛公兵法 譚子化書 無不鈎元 挈要其所 自著有石  
門文集 石門詩集 石門詞賦集 石門子 藝子 貫附言 詩序 貫

諸書

胡先抱 字損齋 乾隆癸卯 舉人 少穎異 強記 絕人 十歲時 父  
廷受 授以二十一史全書 盛衰典故 對客輒如成誦



一時稱異與兄先掄分習經史掄十一歲以全通十三經入邑庠學使者目為經義無雙獨於史無所試故知不知者半而焉以詩文得名後專為根抵學尤肆力於經總諸家異同折以己意鄉薦後即絕意名場有所作隨手散去子世琦撰述其詩稿之存者為萬里集以上採新縣志增

按文苑以著作為憑非有刊本送局者不錄此郡志例也今涇志先成新增文苑四十人著作概未緘呈無從覘其底蘊謹就標目稍多者臚列如右倘有聖漏統歸補遺

### 寧國縣

**宋鄭魏挺**

字景烈父可與從父吏部郎中升同師延平徐誠叟因得聞場時緒論挺早承家學登嘉定甲戌進士調分宜尉江淮提舉司幕杜謝魄遺未嘗以貧窶為意引疾歸稟章交薦除國子監書庫官兼皇后宅教授力辭不受挺雅性曠達嫻於文藻隱居九龍山西園者十五年稱西園老圃人率慕之年八十卒著有親身粹言二卷讀書通說五卷子

## 寧國府志

### 卷二十九

人物志

文苑

三

希聲亦舉進士 乾隆志

**明黃文魁**

字君仲成化間大學士任廣西慶遠府知事有聲視河池州惠愛洽民性喜吟咏皆自出新意不經人道語著有槐軒詩集 乾隆志

**仙作舟**

字本初中丞克謹仲子八歲能屬文精鍾籙小楷尤工畫墨竹年三十卒酷嗜李長吉詩著有淮南鴻烈

**國朝汪作霖**

字兩公歲貢生性嗜古田廬蕭然著述咀嚙經史晚年教授生徒學益進每周人急嘗於黃渡得遺金不取沒後著述散佚惟存尊經閣遊白雲山詩二首翟剛記宣石賦二篇 乾隆志

**程書**

字衡石康熙丁酉舉人任嘉定教諭初至見學宮茂草亟請當事葺之自進諸生講論不輟士風丕變以疾卒於任紳士祀之衆賢祠又勒教思碑於明倫堂側所著有周易備要十六卷左傳評註昌黎文粹各若干卷藏於家 乾隆志

隆志



旌德縣

南唐舒雅

字子正，容容秀發，以才思自命。保大時，隨計金陵，懷

忘年交。及熙載知貢舉，擢第一。世號舒狀元。朝野素服雅才，無間言。會後主命，中書舍人徐鉉覆試雅等五人，雅不就試。後人宋為將作監丞，已而充秘閣校理，與吳淑、齊名。久之，出知舒州。祥符初，進昭文館。舒州滿秩，愛瀟岳山水之勝，乞主

管。靈仙觀，詔從之。著有山海圖若干卷。十九代史曰：三卷，卒年七十餘。南唐書：十國春秋。

嘉定萬曆康熙乾隆府志屬旌邑

宋注

字仲容，元豐八年進士。幼穎悟，嗜書嘗從胡瑗學。易王

學正神宗聞其名，記於屏風。登元豐八年進士，調鼎州司理。入為太學正，累遷國子祭酒。為議學制不合，以顯謨閣待制知婺州。歷徙應天府，不赴。奉祠卒。贈宣奉大夫。解自錄太學至為正，為司業祭酒。官以儒名者三。十年著有詩書孟子解。

寧國府志

卷二十九

人物志 文苑 三

義二十卷文集二十卷詔語三卷樂章一卷後以子伯虎職贈少師龍鄉賢 宋史 乾隆志

按宋史稱旌德人明一統志亦係旌德康熙府志與通

志並係涇人涇志云旌旌德人因隨父襄寓涇其裔人有

析居涇者今涇鄉賢祠中祀之涇志亦載入此依乾隆府

志之舊仍係旌德

新神道碑涇宣城新建里人詳金石

鍾世美

字公實，元豐初遊上庠，獻書萬言，大畧論教化未宣

法，制未備，守令不擇，舊疆未復，書入上。亟嘉獎，出示大臣，授將仕郎。尤太學正，命詞云：夫以布衣談王道，講當世之務，而為朕之所知，可謂一時豪傑之士。前覽所奏書，朕既奇爾言，突然繼以為未也。詔有司考爾素學，而祭酒博士咸以行義聞，夫復何疑。累遷至諫議大夫，卒。著有陵陽集數十

卷于邦直通判舒州 乾隆志

汪注

字東之，咸淳四年進士。耽學，刻著焚膏繼晷，寢帳為黔調池州青陽簿。六年棄官歸，益肆於學。經史百家無不



該洽著有中庸演說大易衍義藏於家子胃文溫州路儒學教授 同上

**汪昌壽** 字伯叙咸淳元年進士學問博洽為文若不經意然踔厲不可攀躋先以能賦聞既讀易心會其微初調

金陵戶曹改秩浙西帥司主管機宜文字未幾杭州失昌壽歸至元中以學行足帥請典鄉校與其叔注協志訓誘著有

心易詳說錄崖自娛集東林叩角集講議雜文數十卷子推賢徽州路儒學學正 同上

**元 呂枋** 字汝芳通詞賦兼七書入右庠至元乙亥調告省親因避地新安郡守辟紫陽書院山長又辟攝錄事並辭不

受及歸里以文行舉采石書院山長設教詳明士皆悅服秩滿卒於家所著有桂芳家集采江吟稿 同上

**明 姚裕** 字克寬宣德乙卯舉人授嚴州訓導累遷國子監助教陞翰林院檢討乞休歸卒祀鄉賢裕工書善文詞著有

名山雅編傳於世 同上

**王瑄** 字俊溫宣德乙卯舉人博物洽聞嘗屬文尤精毛詩正統元年授嚴州訓導遷遼東前屯衛教諭成化元年致

仕歸辛卯與修縣志文集未梓行 同上

### 寧國府志

### 卷二十九

人物志 文苑

三

**梅鶚** 字百一正德丁丑進士童子時見日中三足烏弱冠嚮踵門求觀借錄日誦數萬言為文援筆立就著作甚富未經

讐校而卒年四十五稿多散佚惟鳧山集四卷傳世弟鸞字致齋正德癸酉舉人博聞強記著有尚書譜尚書考異春秋

指要儀禮翼經太元圖注等書又弟鵬字萬九歲貢亦淹洽工詩鸞子元豐以貢判臺

州曾刪訂十七史 同上

**舒宏謬** 字士一邑增生英敏好學屢試不售隱居松竹山房造就後學一時名雋咸出其門著有古今全史便覽

易經去疑諸書 同上

**姚懋忠** 字衷赤邑諸生博覽羣書留心古今人物事蹟見人美行輒手錄之著有旌川乘書十八卷舊邑志載其

割股奉親蓋自勿並以孝聞 同上

**王文煒** 字闇仲史名邁初字寅崇正八年歲貢家貧就學百餘人齊江張瑞圖未遇時縣令蘇字賡延修縣志見文煒

天文論嘆為奇才遂與訂交所著于寅寸書五十卷內有梓



山鼠餘左國詳評五經肯周易  
吃四書句諸集行世 同上

**國朝** 杜名齊 字朋李少穎悟為名諸生年十九從宣城沈壽民授

乃所謂性正氣嚴喬然歲寒中者昔有  
東固草堂文集壽民序之以行 同上

譚文昭 字士遠好學深思刻意勵行與兄學昭前著名康熙

集中  
同上

王之績 字懋公邑諸生沉靜簡默勤學好問欲盡讀古今書

人物志百三十卷脫稿將梓惜不成於火又刻有評註  
才子古文鐵立文起張相國玉書序其簡端云 同上

劉瓊 字令樹少孤家貧力學授徒多所成就湖北督學凌如

所著忠孝節義錄鄉約歌皆有禪風致  
諸當事為序梓行之以歲貢終 同上

方學成 字武工早有志於詩古文之學嘗刻梅臆山王鐵立

寧國府志 卷二十九 人物志 文苑 三三

二年由廩生保舉孝廉方正任山東  
夏津縣知縣著有松華堂集十卷

太平縣

**宋** 孫觀 字仲益崇寧間以進士授中書舍人侍欽宗如青城金

歸州尋赦還紹興元年又構讒論象郡朱幾擢知臨安調平

江進至胡奉即充龍圖閣待制戶部尚書晚與朱子交常手

札與觀辨析義理又來訪與遊獅山書秀陰二字鑄諸石因  
嘗提舉鴻慶宮故所著曰鴻慶集明禮部侍郎李本序其集  
以行 宋史

**元** 汪文龍 字濟卿弱冠舉茂才任旌德銅陵文學掾歷常湖沿

口而踐履多弗能及後以臨安簿致仕同時歐陽虞揭輩皆  
以詩文推重之汪澤民比之漢伏生云著有韻書撮要等書

卒祀鄉賢  
乾隆志

汪珍 字聘之博學工詩淵淳雅瞻卓有古風盧摯雅重之汪  
澤民至不敢與鴈行每稱南山先生云著有詩集 同



上

**明陳天德**

父璉埴為業所得工值盡以訓子天德弱年入邑庠

業聚徒文行並優以歲貢授高安知縣弟天爵幼秉兄

教領萬歷戊子鄉薦著有四書啟正篇行世

同上一時德器文章為遠近

**項陞**

字履齋穎悟博覽尤究心理要一時德器文章為遠近

題咏甚富

同上

**崔廷宏**

字銘誠淹貫經史嘗從羅汝芳王畿遊精研性命之

三篇探幽抉奧自入南華之室茲編示同人

同上

**焦文臣**

字賓王遍覽強記補邑廩生工古文詞尤有詩癖與

鼎祚湯賓尹皆折節與遊贈答甚富性孝友伯兄早喪母事

寧國府志

卷二十九

人物志

文苑

十四

**項應選**

字賓吾少穎悟刻苦勤學補邑增生長於古文詩賦

生富才思性樂與人為善引後進致為勤懇

國朝

**項淦**字素澄篤志力學博極羣書年踰四十補邑庠主性耿

琴以滌躁妄從遊多善士居遠專庭足跡不至惟鍵戶著述

有六息齋文集及手編字韻批註周易家訓等書

同上

**杜應成**

字曰人邑庠生博學多識與其族兄應理互相切劘

事著有四書周易竊揆數種

**杜芳圯**

字己玉歲貢生倚寓鳩江積學工文尤長於詩善作

產每港遊淮杜門課子家徒壁立講誦不輟

**汪惠中**

字掌六邑廩生性豪邁有夙慧文摹蒙莊得其精髓

坐飲清潭石畔唱和竟日觀者嘆為神仙中人



國朝胡琛字吉人邑庠生幼穎異每試冠軍雖室如縣罄歌聲時

出金石平居究心經史手批書經彷彿王伯厚孫月峯

之意而研精洞微實能發前人之覆子純生孝友

著聞課弟元彪有聲庠序皆推本於琛之庭訓云

學

胡士傑字漢三邑廩生植品篤行潛心學問不妄交遊居常

以國士目之所纂四書毛詩及唐宋諸大家古文皆有心得

年六十終不遇士林惜之子碧嶠邑庠生克承庭訓亦務實

學而坎壈終老者因補錄之

按此二人見縣舊志今據邑紳請入府志核其本傳蓋績